

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

(inatsisartunut ilaasortaq Anthon Frederiksen, Partii Naleraq)

Naalakkersuisunut apeqquutit:

- 1. Aalisarnermut piniarnermullu nakkutilliisut sulinerminni inatsisitigut pisinnaatitaaffiisa pisussaaffiisalu allanngortinneqarsinnaanerat Naalakkersuisunit qanoq isumaqarfigineqarpa?**
- 2. Aalisarnermut piniarnermullu nakkutilliisut suliatik pillugit qaqugukkut nalunaarusiortarpat?**
- 3. Aalisarnermut piniarnermillu inatsisit unioqqutinneqarnerat pillugu nalunaarusiortoqarsimavaa ?**

Taamaassimassappat nalunaarusiat (ukiumoortut ?) kingulliit naapertorlugit

- a. aalisarnermut inatsit qasseriarluni unioqqutinneqarsimava?**
- b. piniarnermut aallaaniarnermullu inatsit qasseriarluni unioqqutinneqarsimava?**
- c. unioqqutitsinernik suliat qassit ingerlanneqarpat sumullu killippat?**
- d. suliani qulaani taaneqartuni qanoq kinguneqartitsisoqartarpat ?**

Tunngavilersuut:

Ajoraluartumik tusartaannarparput aalisarnermi piniarnermilu inatsisit ilaatigut unioqqutinneqartarsimasut. Taamaammallu aamma aalisarnermut piniarnermullu nakkutilliisunik atorfinitsitsisoqarsimavoq.

Aalisarnermut piniarnermullu nakkutilliisut eqaannerusumik pilertornerusumillu suleriaaseqarnissaat siunertaralugu Naalakkersuisut suliniuteqarnersut paasissallugu soqutiginarpoq.

Taamaammat nakkutilliisut suliaannut tunngasut malinnaaffiginissaat aammalu paasisaqarfigineqarnerunissaat soqutigalugu apeqqutit qulaani taaneqartut naalakkersuisunit akineqarnissaat piumasaraara.

Apeqqutit ullut suliffiit qulit qaangiutsinnagit akineqarnissaat kissaatingaara.